


元刊前十册



齊本紀中第七

北史七

顯祖文宣皇帝諱洋字子進神武第二子文襄之母弟也
武明太后初孕帝每夜有赤光照室太后私怪之及產命
之曰侯尼于鮮卑言有相子也以生於晉陽一名晉陽樂
時神武家徒壁立后與親姻相對共憂寒餒帝生始數月
尚未能言欬然曰得活太后及左右大驚不敢言及長黑
色大頰允下鱗身重蹠瞻視審定不好戲弄深沈有大度
晉陽有沙門乍愚乍智時人不測呼爲阿秃師太后見諸
子焉歷問祿位至帝再三舉手指天而已口無所言見者
異之神武嘗從諸子過鳳陽門有龍在上唯神武與帝見

之乃雖明敏貌若不足文襄每嗤之曰此人亦得富貴相
法亦何由可解神武以帝貌陋神彩不甚發揚曾問以時
事帝略有所辨儻語一事必得事衷又嘗令諸子各使理
亂絲帝獨抽刀斬之曰亂者須斬神武以爲然又各配兵
四出而使彭樂率甲騎僞攻之文襄等怖撓帝勤衆與彭
樂相格樂免胄言情猶禽之以獻由是神武稱異之謂長
史薛琬曰此兒意識過吾琬亦私怪之幼時師事范陽盧
景裕默識過人未嘗有所自明景裕不能測也天平二年
封太原郡公累遷尚書左僕射後從文襄行過遼陽山獨
見天門開餘無人見者武定五年神武崩猶秘凶事衆情
疑駭帝雖內嬰巨痛外若平常人情頗安魏帝授帝尚書
令中書監京畿大都督七年八月文襄遇賊帝在城東雙
堂事出倉卒內外震駭帝神色不變指麾部分自鬻斬羣
賊而漆其首秘不發喪徐言奴人大將軍被傷無大苦也
當時內外莫不驚異乃諷魏朝立皇太子因以大赦乃赴
晉陽撫庶政帝內雖明察外若不了老臣宿將皆輕帝於
是帝推誠接下務從寬厚事有不便者咸蠲省焉羣情始
服八年正月辛酉魏帝爲文襄舉哀於東堂戊辰詔進帝
位使持節丞相都督中外諸軍錄尚書事大行臺齊郡王
食邑一萬戶二月庚申又進封齊王食冀州之勃海長樂

安德武邑瀛州之河間五郡邑十万户帝自居晉陽寢室
每夜有光如晝既為王夢人以筆點已額旦日以語館客
王曇首曰吾其退乎曇首拜賀曰王上加點為主當進也
五月辛亥帝如鄴光州獲九尾狐以獻甲寅魏帝遣兼太
尉彭城王韶司空潘相樂奉冊進帝位相國摠百揆以冀
州之勃海長樂安德武邑瀛州之河間高陽章武定州之
中山常山博陵十郡邑二十万户加九錫殊禮齊王如故
景辰魏帝遜位別宮又使兼太尉彭城王韶兼司空敬顯
儁奉冊禪位致爾璽書於帝并奉皇帝爾璽綬禪代之禮一依
唐虞漢魏故事帝累表固辭詔不許於是尚書令高隆之

率百寮勸進天保元年夏五月戊午皇帝即位於南郊升
壇柴燎告天是日鄴下獲赤雀獻于郊所置中書還宮御太
極前殿大赦改元百官進兩大階六州緣邊職人三大階
自魏孝莊已後百官絕祿至是復給焉已未詔封魏帝為
中山王追尊皇祖文穆王為文穆皇帝皇祖母妣為文穆皇
后皇考獻武王為獻武皇帝皇兄文襄王為文襄皇帝命
有司議祖宗以聞辛酉尊王太后為皇太后乙酉降魏朝
封爵各有差其信都從義及宣力霸朝者又西來人并武
定六年以來南來投化者不在降限辛未遣大使於四方
觀察風俗問人疾苦甲戌遷神主於太廟六月辛巳詔改

封崇聖侯孔長爲恭聖侯邑一百戶以奉孔子祀并下魯郡以時修葺廟宇又詔吉凶車服制度各爲等差具立條式使儉而獲中分遣使人致祭於五岳四瀆其堯祠舜廟下及孔父老君等載於祀典者咸秩罔遺又詔冀州之勃海長樂二郡先帝始封之國義旗初起之地并州之太原青州之齊郡霸朝所在王命是基君子有作貴不忘本齊郡勃海可並復一年長樂復二年太原復三年七年詔故太傅孫騰故太保尉景故大司馬婁昭故司徒高敖曹故尚書左僕射慕容紹宗故領軍万俟于故定州刺史段榮故御史中尉劉貴故御史中尉竇彥故殷州刺史劉豐故

濟州刺史蔡雋等並左右先帝經營皇基或不幸早歿或隕身王事可遣使者就墓致祭并撫問妻子又詔封宗室太尉高岳爲清河王太保高隆之爲平原王開府儀同三司高謙彥爲平秦王徐州刺史高思宗爲上洛王營州刺史高長弼爲廣武王兼武衛將軍高普爲武興王兼武衛將軍高子瓊爲平昌王兼北中郎將高顯國爲襄樂王前太子庶子高徽爲趙郡王揚州縣開國公高孝緒爲脩城王又詔封功臣大匠韋狄干爲章武王大司馬斛律金爲咸陽王并州刺史賀拔仁爲安定王殷州刺史韓軌爲安德王瀛州刺史可朱渾道元爲扶風王司徒公彭樂爲東

留王司空公潘相樂為河東王癸未詔封諸弟青州刺史
浚為永安王尚書左僕射淹為平陽王定州刺史洩為彭
城王儀同三司演為常山王冀州刺史渙為上黨王儀同
三司清為襄城王儀同三司湛為長廣王潛為任城王湜
為高陽王濟為博陵王凝為新平王潤為馮翊王洽為漢
陽王丁亥詔立王子殷為皇太子王后李氏為皇后庚寅
詔以太師庫狄干為太宰司徒彭樂為太尉司空潘相樂
為司徒開府儀同三司司馬子如為司空己亥以皇太子
初入東宮赦畿內及并州死罪已下降餘州死罪已下囚
秋七月辛亥尊文襄妃元氏為文襄皇后宮曰靜德又封

文襄子孝琬為河間王孝瑜為河南王乙卯以尚書公平
原王封隆之為錄尚書事尚書左僕射平陽王淹為尚書
令改御史中尉還為中丞詔魏御府所有珍奇雜絲常所
不給人者悉送內後園以供七日宴賜八月詔郡國修立
黻序廣延髦俊敦述儒風其國子學生亦依舊銓補往者
文襄皇帝所遺蔡邕石經五十二枚移置學館依次修立
又詔求直言正諫之士待以不次命牧人之官廣勸農桑
庚寅詔曰朕以虛薄嗣弘王業思所以贊揚盛績播之萬
古雖史官執筆有聞無墜猶恐緒言遺美時或未書在位
王公文武大小降及庶人爰至僧徒或親奉音旨或承傳

旁說凡可載之文籍悉條封上甲午詔曰魏世議定廢趾
格遂為通制官司施用猶未盡善羣官可更論討新令未
成之間仍以舊格從事九月癸丑以領東夷校尉遼東郡
開國公高麗王成為使持節侍中驃騎大將軍領護東夷
校尉王公如故丁卯詔以梁侍中使持節假黃鉞都督中
外諸軍事大將軍承制邵陵王蕭綸為梁王庚午幸晉陽
是日皇太子入居涼風堂監國冬十月己卯法駕御金輅
入晉陽宮朝皇太后於內殿辛巳曲赦并州太原郡晉陽
縣及相國府四獄囚乙酉以特進元紹為尚書左僕射并
州刺史段韶為右僕射壬辰罷相國府留騎兵外兵曹各
遣使朝貢

立一省別掌機密十一月周文帝帥師至陝城分騎北度
至建州甲寅梁湘東王蕭繹遣使朝貢景寅帝親戎出次
城東周文帝見軍容嚴盛歎曰高歡不死矣遂班師十二
月辛丑車駕至自晉陽是歲高麗蠕蠕吐谷渾庫莫奚並
遣使朝貢
二年春正月丁未梁湘東王蕭繹遣使朝貢辛亥祀圓丘
以神武皇帝配癸亥親耕籍田乙丑享太廟二月壬辰太
尉彭樂謀反伏誅三月景午襄城王攄薨己未詔梁承制
湘東王繹為梁使持節假黃鉞相國建梁臺摠百揆承制
梁王庚申司空司馬子如坐事免是月梁交梁義新四州

刺史各以地內附西魏文帝崩夏四月壬辰梁王蕭繹遣使朝貢六月庚午以前司空司馬子如為太尉秋七月己卯改顯陽殿還為昭陽殿辛卯改殷州為趙州以避太子之諱是月侯景廢梁簡文帝立蕭棟為主九月壬申免諸伎作屯牧雜色役隸之徒為白戶癸巳行幸趙定二州因至晉陽冬十月戊申起宣光建始嘉福仁壽諸殿庚申蕭繹遣使朝貢丁卯文襄皇帝神主入于廟十一月侯景廢梁主棟僭即偽位於建鄴自稱曰漢十二月中山三殂是歲蠕蠕室韋高麗並遣使朝貢

三年春正月景申帝親討庫莫奚於代郡大破之以其口

配山東為百姓二月蠕蠕主阿那瓌為突厥所破瓌自殺其太子菴羅辰及瓌從弟登注俟刑登注子庫提並擁眾來奔蠕蠕餘眾立注次子鐵代為主辛丑契丹遣使朝貢三月戊子詔清河王岳司徒潘相樂行臺辛術帥師南伐癸巳詔進梁王蕭繹為梁主夏四月壬申東南道行臺辛術於廣陵送傳國八璽甲申以吏部尚書楊愔為尚書右僕射六月己亥清河王岳等班師乙卯車駕幸晉陽冬十月乙未次黃檀嶺仍起長城北至社于戌四百餘里立三十六戌十一月辛巳梁主蕭繹崩位於江陵是為元帝遣使來聘十二月壬子車駕還宮戊午幸晉陽是歲西魏廢

帝元年

四年春正月景子山胡圍離石戍帝親討之未至而逃因
巡三堆戍大狩而旋戍寅庫莫奚遣使朝貢自魏末用赤
安錢又有數品皆輕濫己丑鑄新錢文曰常平五銖二月
送蠕蠕鐵伐父登注及子庫提還北鐵伐尋爲契丹所殺
國人復立登注爲主仍爲其大人阿富提等所殺國人復
立庫提爲主夏四月車駕還宮戊午西南有大聲如雷五
月庚午校獵於林慮山戊子還宮六月甲辰章武王庫狄
干薨秋北巡冀定幽安仍北討契丹冬十月丁酉車駕至
平州遂西道趣長澗甲辰帝步踰山嶺爲士卒先指塗奮

擊大破契丹是行也帝露頭袒身晝夜不息行千餘里唯
食肉飲水氣色彌厲丁巳登碣石山臨滄海十一月己未
帝自平州還遂如晉陽閏月壬寅梁人來聘十二月己未
突厥復攻蠕蠕蠕舉國來奔癸亥帝北討突厥迎納蠕
蠕乃發其主庫提立阿那瓌子菴羅辰爲主置之馬邑川
追突厥於朔方突厥請降許之而還自是貢獻相繼
五年春正月癸丑帝討山胡大破之男子十二已上皆斬
女子及幼弱以賞重士遂平石樓石樓絕險自魏代所不
能至於是遠近山胡莫不懾伏是役也有都督戰傷其什
長路暉禮不能救帝命剗其五藏使九人分食之肉及穢

惡皆盡自是始行威虐是月周文帝廢西魏帝而立齊王
廓是爲恭帝二月蠕蠕菴羅辰叛帝親討大破之辰父子
北遁太保賀拔仁坐違緩拔其髮免爲庶人使負炭輸晉
陽宮夏四月蠕蠕寇肆州丁巳帝自晉陽討之至恒州時
虜騎散走大軍已還帝帥麾下二千餘騎爲殿夜宿黃瓜
堆蠕蠕別部數万騎扣鞍而進四面圍逼帝安睡平明方
起神色自若指畫軍形潰圍而出虜走追擊之伏尸二十
里獲菴羅辰妻子生口三万餘五月丁亥地豆干契丹竝
遣使朝貢丁未北討蠕蠕又大破之六月蠕蠕遠遁秋七
月戊子蕭愼遣使朝貢壬辰降罪人庚戌至自北伐八月

庚午以司州牧清河王岳爲太保以安德王軌爲大司馬
以扶風王可朱渾道元爲大將軍以司空尉粲爲司徒以
太子少師侯莫陳相爲司空以尚書令平陽王淹爲錄尚
書事以常山王演爲尚書令以上黨王渙爲尚書右僕射
丁丑行幸晉陽辛巳錄尚書事平原王高隆之薨封異州
刺史段韶爲平原王是月詔常山王演上黨王渙清河王
岳平原王段韶率衆於洛陽西南築代惡城新城嚴城河
南城四鎮九月帝親自臨幸欲以致西師西師不出乃如
晉陽冬十月西魏攻陷江陵殺梁元帝梁將王僧辯在建
業推其晉安王蕭方智爲太宰都督中外諸軍事承制置

百官十二月庚申車駕北巡至達速嶺親覽山川險要將起長城是歲西魏恭帝元年

六年春正月壬寅清河王岳度江剋夏首梁司徒郢州刺史陸法和請降詔以梁貞陽侯蕭明爲梁主遣尚書右僕射上黨王渙送之江南二月甲子以陸法和爲使持節都督十州諸軍事太尉大都督西南道太行臺三月景戌上黨王渙剋東關斬梁將裴之橫景申車駕至自晉陽封文襄二子孝珩爲廣寧王延宗爲安德王戊戌帝臨昭陽殿決獄是月發寡婦以配軍士築長城夏五月蕭明入于建業六月甲子河東王潘相樂薨壬申帝親討蠕蠕甲戌諸

軍大會祁連池乙亥出塞至庫狄谷百餘里無水泉六軍渴乏俄而大雨秋七月己卯帝頓白道留輜重親率輕騎五千追蠕蠕壬午及之懷朔鎮帝躬犯矢石頻大破之遂至沃野壬辰還晉陽九月己卯車駕至自晉陽冬十月梁將陳霸先襲殺王僧辯廢蕭明復立蕭方智爲主辛亥行幸晉陽十一月梁秦州刺史徐嗣徽南豫州刺史任約等襲撫石頭城竝以州內附壬辰大都督蕭軌帥衆至江遣都督柳達摩等度江鎮石頭己亥太保清河王岳薨柳達摩爲霸先攻逼以石頭降是歲高麗庫莫奚竝遣使朝貢詔發夫一百八十萬人築城自幽州北夏口西至恒州九

百餘里

七年春正月辛丑封司空侯莫陳相為白水郡王車駕至
自晉陽於鄴城西馬射之集衆庶觀之二月辛未詔常山
王演等於涼風堂讀尚書奏案論定得失帝親決之三月
丁酉大都督蕭軌等帥衆濟江夏四月乙丑儀同三司婁
叡討魯陽蠻大破之丁卯造金華殿五月漢陽王洽薨帝
以肉為斷慈遂不復食六月乙卯蕭軌等與梁師戰於鍾
山西遇霖雨失利軌及都督李希光王敬寶東方老軍司
裴英起竝沒士卒還者十二三乙丑梁湘州刺史王琳獻
馴象秋七月乙亥周文帝殂是月發山東寡婦二千六百

人配軍士有夫而濫奪者十二三十一月壬子併省州三
郡一百五十三縣五百八十九鎮三戌二十六十二月庚
子魏恭帝遜位於周是歲庫莫奚突丹遣使朝貢修廣三
臺宮殿先是自西河惣秦戍築長城東至海前後所築東
西凡三千餘里六十里一戍其要害置州鎮凡二十五所
八年春三月大熱人或暍死夏四月庚午詔禁取蝦蟹蜆
蛤之類准許私家捕魚乙酉詔公私禁取鷹鷂以太師咸
陽王斛律金為右丞相以前大將軍扶風王可朱渾道元
為太傅以開府儀同三司賀拔仁為太保尚書令常山王
演為司空以錄尚書事長廣王湛為尚書令以尚書右僕

射楊愔為左僕射以并省尚書右僕射崔暹為左僕射以
上黨王渙為錄尚書事是月帝在城東馬射敕京師士女
悉赴觀不赴者罪以軍法七日乃止五月辛酉冀州人劉
向於鄴謀逆黨與皆伏誅秋八月己巳庫莫奚遣使朝貢
庚辰詔立郊禘祫時祭皆市取少牢不得割割有司監視
必令豐備農社先蠶酒肉而已雩禱風雨司人司祿靈星
雜祀果餅酒脯唯當務盡誠敬義尚如在辛巳制權酤自
夏至九月河北六州河南十三州歲內八郡大蝗飛至鄴
蔽日聲如風雨甲辰詔今年遭蝗處免租冬十月乙亥梁
主蕭方智遜位於陳陳武帝遣使稱藩朝貢是歲周閔帝

元年周冢宰宇文護殺閔帝而立明帝又改元焉初於長
城內築重城自庫洛拔而東至於塢紇戍凡四百餘里
九年春二月丁亥降罪人已丑詔燎野限以仲冬不得他
時行火損昆蟲草木三月丁酉車駕至自晉陽夏四月辛
巳大赦是月北豫州刺史司馬消難以城叛于周大旱帝
以祈雨不降毀西門豹祠掘其冢五月辛丑以尚書令長
廣王湛為錄尚書事以驃騎大將軍平秦王歸彥為右僕
射甲辰以前左僕射楊愔為尚書令六月乙丑帝自晉陽
北巡己巳至祁連池戊寅還晉陽是夏山東大蝗差人夫
捕而坑之秋七月辛丑給畿內老人劉奴等九百四十三

人版職及杖帽各有差戊申詔趙燕瀛定南營五州及司
州廣平清河二郡去年蠶澇損田兼春夏少雨苗稼薄者
免今年租稅八月乙丑車駕至自晉陽甲戌行幸晉陽先
是發丁匠三十餘萬人營三臺於鄴因其舊基而高博之
大起宮室及遊豫園至是三臺成改銅爵曰金鳳金武曰
聖應冰井曰崇光冬十一月甲午車駕至自晉陽登三臺
御乾象殿朝宴羣臣以新宮成丁酉大赦内外文武官並
進一大階丁巳梁相州刺史王琳遣使請立蕭莊為梁王
仍以江州內屬令莊居之十二月癸酉詔以梁王蕭莊為
梁王進居九派戊寅以太傅可朱渾道元為太師以司徒

尉粲為太尉以異州刺史段韶為司空以錄尚書事常山
王演為大司馬以錄尚書事長廣王湛為司徒起大莊嚴
寺是歲殺永安王浚上黨王渙

十年春正月戊戌以司空侯莫陳相為大將軍辛丑太尉
長樂郡公尉粲肆州刺史濮陽公婁仲遠並進爵為王甲
寅行幸遼陽甘露寺二月景戌帝於甘露寺禪居深觀唯
軍國大政奏聞二月戊戌以侍中高德正為尚書右僕射
景辰車駕至自遼陽是月梁主蕭莊至郢州遣使朝貢夏
閏四月丁酉以司州牧彭城王浹為兼司空以侍中高陽
王浞為尚書左僕射乙巳以兼司空彭城王浹為兼太尉

攝司空事封皇子紹廉爲長樂主五月癸未誅始平公元
計東平公元景式等二十五家禁止特進元韶等十九家
尋竝誅之男子無少長皆斬所殺三千人竝投漳水六月
陳武帝殂秋八月戊戌封皇子紹義爲廣陽王以尚書右
僕射河間王孝琬爲左僕射癸卯詔諸軍人或有家祖改
姓冒入元氏或假託舊諱妄稱姓元者不問世數遠近悉
聽改復本姓是月殺左僕射高德正九月己巳行幸晉陽
冬十月甲午帝暴崩於晉陽宮德陽堂時年三十一遺詔
凶事一從儉約喪月之斷限以三十六日嗣子百寮內外
遵適奉制割情悉從公除癸卯發喪斂於宣德殿十一月

辛未梓宮還鄴十二月乙酉殯於太極前殿乾明元年二
月景申葬於武寧陵謚曰文宣帝廟號顯祖帝沈敏有遠
量外若不遠內鑒甚明文襄年長英秀神武特所愛重百
僚承風莫不震懼而帝善自晦迹言不出口恒自貶退言
咸順從故深見輕雖家人亦以爲不及文襄嗣業帝以次
長見猜嫌帝后李氏色美每預宴會容貌遠過靖德皇后
文襄彌不平焉帝每爲后私營服翫小佳文襄即令逼取
后恚有時未與帝笑曰此物猶應可求兄須何容悞文襄
或愧而不取便恭受亦無飾讓每退朝還第輒閉閣靜坐
雖對妻子能竟日不言或袒跣奔躍后問其故對曰爲尔

漫戲此蓋習勞而不肯言也所寢至夜曾有光巨細可察
后驚告帝帝曰慎勿妄言自此唯與后寢侍御皆令出外
文襄崩祕不發喪其後漸露魏帝竊謂左右曰大將軍此
矧似是天意威權當歸王室矣及帝將赴晉陽親入辭謁
於昭陽殿從者千人君前持劔者十餘輩帝在殿下數十
步立而衛士升階已二百許人皆攘袂扣刃若對嚴敵帝
令主者傳奏須詣晉陽言訖再拜而出魏帝失色目送帝
曰此人似不能見容吾不知死在何日及至并州慰諭將
士措辭款實衆皆欣然曰誰謂左僕射翻不減令公公公
即指文襄也時訛言上黨出聖人帝聞之將徙一郡而郡

人張思進上言殿下生於南宮坊名上黨即是上黨出聖
人帝悅而止先是童謡曰一束藁兩頭然河邊殺雞飛上
天藁然兩頭於文為高河邊殺雞為水邊羊指帝名也於
是徐之才盛陳宜受禪帝曰先父亡兄功德如此尚終北
面吾又何敢當之才曰正為不及父兄須早升九五如其
不作人將生心且讖云羊飲盟津角拄天盟津水也羊飲
水王名也角拄天大位也又陽平郡界面四星驛傍有大水
土人常見羣羊數百立卧其中就視不見事與讖合願王
勿疑帝以問高德正德正又贊成之於是始決乃使李密
卜之遇大橫曰大吉漢文帝之封也帝乃鑄象以卜之一

寫而成使段韶問斛律金於肆州金來朝深言不可以錯
曹宗景業首陳符命請殺之乃議於太后前太后謂諸貴
曰我兒得直必自無此意直高德正樂禍教之耳帝意決
乃整兵而東使高德正之鄴諷喻公卿莫有應者司馬子
如逆帝於遼陽固言未可杜弼亦抱馬諫帝欲還尚食丞
李集曰此行事非小而言還帝偽言使向東門殺之而別
令賜絹十疋四月夜未生於魏帝銅研且長數寸有穗五
月帝復東赴鄴令左右曰異言者斬是月光州獻九尾狐
帝至鄴城南召入并齊杖策旦高隆之進謁曰用此何為
帝作色曰我自事若欲族滅耶隆之謝而退於是乃作圖

丘備法物草禪讓事及登極之後神明轉茂外柔內剛果
於斷割人莫能窺又特明吏事留心政術簡靖寬和坦於
任使故楊愔等得盡於匡贊朝政粲然兼以法馭下不避
權貴或有違犯不容勲戚內外莫不肅然至於軍國機策
獨決懷抱規謀宏遠有人君大略又以三方鼎峙繕甲練
兵左右宿衛置百保軍士每臨行陣親當矢石鋒刃交接
唯恐前敵不多屢犯艱厄常致剋捷嘗追及蠕蠕令都督
高阿那肱率騎數千塞其走道時虜軍猶盛五萬餘人肱
以兵少請益帝更減其半騎那肱奮擊遂大破之虜主踰
越巖谷僅以身免都督高元海王師羅竝無武藝先稱法

弱一日交鋒有踰驍壯嘗於東山游宴以關隴未平投盃
震怒召魏收於前立為詔書宣示遠近將事西行是歲周
文帝殂西人震恐常為度隴之計既征伐四克威振戎夏
六七年後以功業自矜遂留情耽酒肆行淫暴或躬自鼓
舞歌謳不息從旦通宵以夜繼晝或袒露形體塗傅粉黛
散髮胡服雜衣錦綵拔刃張弓游行市肆勳戚之第朝夕
臨幸時乘鹿車白象駱駝牛驢竝不施鞍勒或盛暑炎赫
日中暴身隆冬酷寒去衣馳走從者不堪帝居之自若街
坐巷宿麴麴游行多使劉桃枝崔季舒負之而行或擔胡
鼓而拍之親戚貴臣左右近習侍從錯雜無復差等徵集

淫姬悉去衣裳分付從官朝夕臨視或聚棘為焉紐草為
索逼遣棄騎牽引來去流血灑地以為娛樂凡諸殺害多
令支解或焚之於火或投之於河沈酗既久彌以狂惑每
至將醉輒拔劍挂手或張弓傳矢或執持牟梁游行市廛
問婦人曰天子何如荅曰顛顛癡癡何成天子帝乃殺之
或馳騁衢路散擲錢物恣人拾取爭競誼譁方以為喜太
后嘗在北宮坐一小榻帝時已醉手自舉牀后便墜落頗
有傷損醒悟之後大懷慙恨遂令多聚柴大將入其中太
后驚懼親自持挽又設地席令平秦王高歸彥執杖口自
責䟽脫背就罰敕歸彥杖不出血當即斬汝太后涕泣前

自抱之帝流涕苦請不肯受於太后太后聽許方捨背杖
答躑五十莫不至到衣冠拜謝悲不自勝因此戒酒一旬
還復如初自是耽酒轉劇遂幸李后家以鳴鏑射后母雀
正中其頰因罵曰吾醉時尚不識太后老婢何事馬鞭亂
打一百有餘三臺構木高二十七丈兩棟相距一百餘尺
工匠危怯皆繫繩自防帝登脊疾走都無怖畏時復雅儻
折旋中節傍人見者莫不寒心又召死囚以席為趨從臺
飛下免其罪戮果敢不慮者盡皆獲全疑怯猶豫者或致
損跌沈酗既久轉虧本性怒大司農穆子容使之脫衣而
伏聽射之不中以楸貫其下竅入腸雖以楊愔為宰輔使

進劉壽以其體肥呼為楊大肚馬鞭鞭其背流血浹袍以
刀子斲其腹崔季舒託俳言曰老小公子惡戲因掣刀子
而去之又置愔於棺中載以轎車幾下釘者數四曾至彭
城王浞宅謂其母介朱曰憶汝辱我母壻時向何由可耐
手自刃殺又至故僕射崔暹第謂暹妻李曰頰憶暹不李
曰結髮義深實懷追憶帝曰若憶時自往看也親自斬之
棄頭牆外嘗在晉陽以稍戲刺都督尉子耀應手而死在
三臺太光殿上鋸殺都督穆嵩又幸開府暴顯家有都督
韓哲無罪忽眾中召斬之數段魏樂安王元昂后之姊壻
其妻有色帝數幸之欲納為昭儀召昂令伏以鳴鏑射一

百餘下凝血垂將一石竟至於死後帝自往弔哭於喪次
逼擁其妻仍令從官脫衣助襚兼錢綵號為信物一日所
得將踰巨万后啼不食乞讓位於姊太后又為言帝意乃
釋所幸薛嬪甚被寵愛忽意其經與高岳私通無故斬首
藏之於懷於東山宴勸酬始合忽探出頭投於拌上支解
其屍弄其髀為琵琶一座驚怖莫不喪膽帝方收取對之
流淚云佳人難再得甚可惜也載屍以出被髮步哭而隨
之至有閭巷庸猥人無識知者忽令召斬鄴下繫徒罪至
大辟簡取隨駕號為供御囚手自刃殺持以為戲凡所屠
害動多支解或投之烈火或棄之漳流兼以外築長城內

營臺穀賞者過度天下騷然內外憺憺各懷怨毒而素嚴
斷臨下加之默識強記百察戰慄不敢為非曾有與御丞
李集面諫比帝有甚於桀紂帝令縛置流中沈沒久之復
令引出謂曰吾何如桀紂集曰回來彌不及矣帝又令沈
之引出更問如此數四集對如初帝大笑曰天下有如此
癡漢方知龍逢比干非是俊物遂解放之又被引入見似
有所諫帝令將出要斬其或斬或赦莫能測焉初帝登岸
改年為天保士有深識者曰天保之字為一大人只十帝
其不過士乎又先是謠云馬子入石室三千六百日帝以
午年生故曰馬子二臺石季龍舊君故曰石室三千六百

日十年也又帝曾問太山道士曰吾得幾年為天子荅曰
得三十年道士出後帝謂李后曰十年十月十日得非三
十也五其畏之過此無慮人生有死何得致惜但憐正道
尚幼人將事耳帝及期而崩濟南竟不終位時以為知
命曾幸晉陽夜宿杜門嶺嶺有數株柏樹皆將千年枝葉
嫩茂似有神物所託時帝已夜酒向嶺賧罵射中一株未
幾立枯而死又出言屢中時人故謂之神靈雖為猖獗不
專云其暴末年遂不能進食唯數飲酒麩麩成災因而致
斃先是霍州發楚夷王女冢尸如生焉得珠襦玉匣帝珍
之遠以歛焉如祖珽以險薄多過帝數罪之每謂為老賊

及武成時珽被任遇乃說武成曰文宣甚暴何得稱文既
非創業何得稱祖若宣帝為祖陛下萬歲後將何以稱武
成溺於珽說天統初有詔改謚景烈廟號威宗武平初趙
彥深執政又奏復帝本謚廟號顯祖云廢帝殷字正道小
名道人文宣帝之長子也母曰李皇后天保元年立為皇
太子時年六歲性敏慧初學反語於跡字下注云自反時
侍者未達其故太子足傍亦為跡豈非自反邪嘗
宴北宮獨令河間王入左右問其故太子曰世宗遇賊
處河間王復何宜文宣每言太子得漢家性質不似
我欲廢之立太原王詔國子博士李寶鼎傳之寶鼎卒

日十年也又帝曾問太山道士曰吾得幾年為天子荅曰
得三十年道士出後帝謂李后曰十年十月十日得非三
十也五其畏之過此無慮人生有死何得致惜但憐正道
尚幼人將壽耳帝及期而崩濟南竟不終位時以為知
命曾幸晉陽夜宿杜門嶺嶺有數株柏樹皆將千年枝葉
嫩茂似有神物所託時帝已被酒自領賁馬射中一株未
幾立枯而死又出言屢中時人故謂之神靈雖為猖獗不
尊云氏暴末年遂不能進食唯數飲酒麴蘖成災因而致
斃先是霍州發楚夷王女冢尸如生焉得珠襦玉匣帝珍
之遠以歛焉如祖珽以險薄多過帝數罪之每謂為老賊

及武成時珽被任遇乃說武成曰文宣甚暴何得稱文既
非創業何得稱祖若宣帝為祖陛下萬歲後將何以稱武
成溺於珽說天統初有詔改謚景烈廟號威宗武平初趙
彥深執政又奏復帝本謚廟號顯祖云廢帝殷字正道小
名道人文宣帝之長子也母曰李皇后天保元年立為皇
太子時年六歲性敏慧初學反語於跡字下注云自反時
侍者未達其故太子足傍亦為跡豈非自反邪嘗
宴北宮獨令河間王入左右問其故太子曰世宗遇賊
處河間王復何宜文宣每言太子得漢家性質不似
我欲廢之立太原王詔國子博士李寶鼎傳之寶鼎卒

復詔國子博士邢

太子雖富於春秋而溫裕開朗

有人君之度貫

覽時政甚有美名七年冬文宣

召朝臣文學者及

於宮宴會令以經義相質親身

臨聽太子手筆措

莫不歎美九年文宣在晉陽太

子監國集諸儒講孝經

楊愔傳旨謂國子助教許散愁

曰先生在世何以自資對曰散愁自少以來不登變童之

牀不入季女之室服膺簡策不知老之將至平生素懷若

斯而已太子曰顏子縮屋稱貞柳下姬而不亂未若此翁

白首不娶者也乃賚絹百疋後文宣登金鳳臺召太子使

手刃囚太子惻然有難色再三不斷其首文宣怒親以馬

太子三下由是氣悸語吃精神時復昏廢十年半

宣崩癸卯太子即帝位於晉陽宣德殿大赦內外百官

普加汎級亡官失爵聽復資品庚戌尊皇太后為太皇太

后皇太后為皇太后詔九州軍人七十已上授以板職武官

年六十已上及癯病不堪驅使者並皆放免土木營造金

銅鐵諸雜作工一切停罷十一月乙卯以右丞相咸陽王

斛律金為左丞相以錄尚書事常山王演為太傅以司徒

長廣王湛為太尉以司空段韶為司徒以平陽王淹為司

空高陽王湜為尚書左僕射河間王孝琬為司州牧侍中

燕子獻為右僕射戊午分命使者巡省四方求政得失省

察風俗問人疾苦十二月戊戌改封上黨王紹仁為漁陽
王廣陽王紹義為范陽王長樂王紹廣為隴西王是歲周
武成元年

乾明元年春正月癸丑朔改元己未詔寬徭賦癸亥高陽
王浟薨是月車駕至自晉陽己亥以太傅常山王演為太
師錄尚書事以太尉長廣王湛為大司馬并省錄尚書事
以尚書左僕射平秦王歸彥為司空趙郡王叡為尚書左
僕射詔諸元良口配沒宮內及賜人者並放免甲辰帝幸
芳林園親錄囚徒死罪已下降免各有差乙巳太師常山
王演矯詔誅尚書令楊愔尚書右僕射燕子獻領軍大將

軍可朱渾天和侍中宋欽道散騎常侍鄭子默戊申以常
山王演為大丞相都督中外諸軍錄尚書事以大司馬長
廣王湛為太傅京畿大都督以司徒段韶為大將軍以前
司空平陽王淹為太尉以司空平秦王歸彥為司徒彭城
王浟為尚書令又以高麗王世子湯為使持節領東夷校
尉遼東郡公高麗王是月王琳為陳所敗蕭莊自拔至和
州三月甲寅詔軍國事皆申晉陽與大丞相常山王規并
壬申封文襄第二子孝珩為廣寧王第三子長恭為蘭陵
王夏四月癸亥詔河南定襄趙瀛滄南滕光南青九州住
因蝨水頗傷時稼遣使分塗贍恤是月周明帝崩五月壬

察風俗問人疾苦十二月戊戌改封上黨王紹仁為漁陽
王廣陽王紹義為范陽王長樂王紹廣為隴西王是歲周
武成元年

乾明元年春正月癸丑朔改元己未詔寬徭賦癸亥高陽
王湜薨是月車駕至自晉陽己亥以太傅常山王演為太
師錄尚書事以太尉長廣王湛為大司馬并省錄尚書事
以尚書左僕射平秦王歸彥為司空趙郡王叡為尚書左
僕射詔諸元良口配沒宮內及賜人者並放免甲辰帝幸
芳林園親錄囚徒死罪已下降免各有差乙巳太師常山
王演矯詔誅尚書令楊愔尚書右僕射燕子獻領軍大將

軍可朱渾天和侍中宋欽道散騎常侍鄭子默戊申以常
山王演為大丞相都督中外諸軍錄尚書事以大司馬長
廣王湛為太傅京畿大都督以司徒段韶為大將軍以前
司空平陽王淹為太尉以司空平秦王歸彥為司徒彭城
王浹為尚書令又以高麗王世子湯為使持節領東夷校
尉遼東郡公高麗王是月王琳為陳所敗蕭莊自拔至和
州三月甲寅詔軍國事皆申晉陽與大丞相常山王規并
壬申封文襄第二子孝珩為廣寧王第三子長恭為蘭陵
王夏四月癸亥詔河南定襄趙瀛滄南滕光南青九州住
因蝨水頗傷時豫遣使分塗贍恤是月周明帝崩五月壬

子以開府儀同三司劉洪徽為尚書右僕射秋八月壬午
太皇太后令廢帝為涇南王全良一郡以大丞相常山王
演入纂大統是日王居別宮皇建二年九月殂於晉陽時
年十七帝聰慧夙成寬厚仁智天保閒雅有令名及承大
位揚情燕子獻宋欽道等同輔以常山王地親望重內外
畏服加以文宣初崩之日太后本欲立之故愔等竝懷猜
忌常山王憂悵乃白太后誅其黨時平秦王歸彥亦預謀
焉皇建二年秋天文告變歸彥慮有後害仍白孝昭以王
當咎乃遣歸彥馳驅至晉陽害之王薨後孝昭不豫見文
宣為崇孝昭深惡之厭勝術備設而無益也薨三旬而孝

昭崩大寧二年葬於武寧之西北謚閔悼王初文宣命邢
邵制帝名殷字正道從而充之殷家弟及正字一止吾身
後兒不得也邵懼請改焉文宣不許曰天也因謂昭帝曰
奪時但奪慎勿殺也

孝昭皇帝演字延安神武皇帝弟太子文宣皇帝之母弟
也幼而英峙早有大成之量武明皇太后早所愛重魏元
象元年封常山郡公及文襄執政遣中書侍郎李同軌就
霸府為諸弟師帝所覽文籍源其指歸而不好辭彩每歎
云雖盟津之師左驂震而不衄以為能遂篤志讀漢書至
李陵傳恒壯其所為焉聰敏過人所與游處一知其家諱

終身未嘗誤犯同軌病卒又命開府長流參軍乃柔代之
性嚴褊不適誘訓之宜中被遣出帝送出閣慘然歛容淚
數行下左右莫不歔歔其敬業重舊如此天保初進爵爲
王五年除并省尚書令帝善斷割長思理省內畏服七年
從文宣還鄴文宣以尚書奏事多有異同令帝與朝臣先
論定得失然後敷奏帝長於政術割斷咸盡其理文宣歎
重之八年轉司空錄尚書事九年除大司馬仍錄尚書事
時文宣溺於游宴帝憂憤表於神色文宣覺之謂帝曰但
令汝在我何爲不縱樂帝唯啼泣拜伏竟無所言文宣亦
大悲抵盃於地曰汝似嫌我自今敢進酒者斬之因取所

御盃盡皆壞棄後益沈湎或入諸貴戚家角力批拉不限
貴賤唯常山王至內外肅然帝又密撰事條將諫其友王
昉以爲不可帝不從因閒極言遂逢大怒順成后本魏朝
宗室文宣欲帝離之陰爲帝廣求淑媛望移其寵帝雖承
旨有納而情義彌重帝性頗嚴尚書郎中割斷有失輒加
捶楚令史姦慝便即考竟文宣乃立帝於前以刀環擬脅
召被立罰者臨以白刃求帝之短咸無所陳方見解釋自
是不許答筆郎中後賜帝魏時宮人醒而忘之謂帝擅取
遂令刀環亂築因此致困皇太后日夜啼泣文宣不知所
爲先是禁文王晞乃捨之令侍帝帝月餘漸瘳不敢復諫

及文宣崩帝居禁中護喪事幼主即位乃即朝班除太傅
錄尚書事朝政皆決於帝月餘乃居藩邸自是詔敕多不
關帝客或言於帝曰鷲鳥捨巢必有探郊之患今日之地
何宜屢出乾明元年從廢帝赴鄴居于領軍府時楊愔燕
子獻可朱渾天和宋欽道鄭子默等以帝威望既重內懼
權逼請以帝為太師司州牧錄尚書事長廣王湛為大司
馬錄井省尚書事解京畿大都督帝既以尊親而見猜斥
乃與長廣王期獵謀之於野二月甲戌帝初上省旦發領
軍府大風暴起壞所御車幔帝甚惡之及至省朝士咸集
坐定酒數行於坐執尚書令楊愔右僕射燕子獻領軍可

朱渾天和侍中宋欽道等於坐帝戒服與平原王段韶平
秦王高歸彥領軍劉洪徽入自雲龍門於中書省前遇散
騎常侍鄭子默又執之同斬於御府之內帝至東閣門都
督成休寧抽刃呵帝帝令高歸彥喻之休寧厲聲大呼不
從歸彥既為領軍素為兵士所服悉皆弛伏休寧方歎息
而罷帝入至昭陽殿幼主太皇太后皇太后並出臨御坐
帝奏愔等罪求伏專擅之辜時庭中及兩廊下衛士二千
餘人皆被甲待詔武衛娥永樂武力絕倫又被文宣重遇
撫刃思効廢帝吃訥兼倉卒不知所言太皇太后又為皇
太后誓言帝無異志唯云通而已高歸彥數勞衛士戒嚴

永樂乃內刃而泣帝乃令歸彥引侍衛之士向華林園以
京畿軍入守門閣斬娥永樂於園詔以帝爲大丞相都督
中外諸軍錄尚書事相府佐史進位一等帝尋如晉陽有
詔軍國大政咸諮決焉帝既當大位知無不爲擇其令典
考綜名實發帝恭己以聽政太皇太后尋下令廢少主命
帝統大業

皇建元年八月壬午皇帝即位於晉陽宣德殺大赦改乾
明元年爲皇建詔奉太皇太后還稱皇太后皇太后稱文
宣皇后宮曰昭信乙酉詔自太祖創業已來諸有佐命功
臣子孫絕滅國統不傳者有司搜訪近親以名聞當量爲

主後諸郡國老人各授板職賜其輜鳩杖又詔讐正之士
並聽進見陳事軍人戰亡死王事者以時申聞當加樂贈
督將朝士各望素高位歷通顯天保以來未蒙追贈者亦
皆錄奏又以廷尉中丞執法所在繩違案罪不得懈文弄
法其官奴婢年六十已上免爲庶人戊子以太傅長廣王
湛爲右丞相以太尉平陽王淹爲太傅以尚書令彭城王
浹爲大司馬壬辰詔分遣大使巡省四方觀察風俗問人
疾苦考求得失搜訪賢良甲午詔曰昔武王克殷先封往
代兩漢魏晉無廢茲典及元氏統歷不率舊章朕纂承大
業思弘古典但二王三恪舊說不同可議定是非列各條

奏其禮儀體式亦仰議之又詔國子寺可備立官屬依舊
置生講習經典歲時考試其文襄帝所運石經宜即施列
於學館外州大學亦仰典司勤加督課景申詔九州勲人
有重封者聽分授子弟以廣骨肉之恩九月壬申詔議定
三祖樂冬十一月辛亥立妣元氏爲皇后卅子百年爲皇
太子賜天下爲父後者爵一級癸丑有司奏太祖獻武皇
帝廟宜奏武德之樂舞昭烈之舞太宗文襄皇帝廟宜奏
文德之樂舞宣政之舞高祖文宣皇帝廟宜奏文正之樂
舞光大之舞詔曰可庚申詔以故太師尉景故太師竇泰
故太師太原王婁昭故太宰章武王暉狄干故太尉段榮

故太師万俟普故司徒蔡儁故太師高訖故司徒莫多婁
貸文故太保劉貴故太保封祖齋故廣州刺史三懷十三
人配饗太祖廟庭故太師清河王岳故太宰安德王韓軌
故太宰扶風王可朱澤道元故太師高昂故大司馬劉豐
故太師万俟受洛干故太尉慕容紹宗十一人配饗世宗
廟庭故太尉河東王潘相樂故司空薛修義故太傅破六
韓常三人配饗高祖廟庭是月帝親戎北討庫莫奚出長
城虜奔遁分兵致討大獲牛馬括摠入晉陽宮十一月景
午車駕至晉陽

二年春正月辛亥祀圓丘壬子禘於太廟癸丑詔降罪人

各有差二月丁丑詔內外執事之官從五品已上及三府
主簿錄事參軍諸王文學侍御史廷尉三官尚書郎中中
書舍人每二年之內各舉一人冬十月景子以尚書令彭
城王洸為太保長樂王尉粲為太尉己酉野雉栖于前殿
之庭十一月甲辰詔曰朕嬰此暴疾奄忽無逮今嗣子沖
恥未閑政術社稷業重理歸上德右丞相長廣王湛研機
測化體道君宗人惟之望海內瞻仰同胞共氣家國所憑
可遣尚書左僕射趙郡王叔喻旨徵王統茲大審其喪紀
之禮一同漢文三十六日悉從公除山陵施用務從儉約
先是帝不豫而無闕聽覽是日崩於晉陽宮時年二十七

大寧元年閏十二月癸卯梓宮還鄴上謚曰孝昭皇帝庚
午葬於文靜陵帝聰敏有識度深沈能斷不可窺測身長
八尺鬢帶十圍儀望風表迥然獨秀自居臺省留心政術
開明簿領吏所不逮及正位宸君彌所克勵輕徭薄賦勤
恤人隱內無私寵外收人物雖后父位亦特進無別日異
臨朝務知人之善惡每訪問左右莫獲直言曾問舍人裴
澤在外議論得失澤率尔對曰陛下聰明至公自可遠侔
古昔而有識之士咸言傷細帝王之度頗為未弘帝笑曰
誠如卿言朕初臨万機慮不周悉故致尔耳此事安可久
行恐後又嫌踈漏澤因被寵遇其樂聞過也如此趙郡王

數與庫狄顯安侍坐帝曰須拔我同堂弟顯安我親姑子
今序家人禮除君臣之敬可言我之不逮顯安曰陛下多
妄言曰若何對曰陛下昔見文宣以馬鞭撻人常以為非
而今行之非妄言邪帝搯其手謝之又使直言對曰陛下
太細天子乃更似吏帝曰朕甚知之然無法求久將整之
以至無為耳又問王晞晞荅如顯安皆從容受納性至孝
太后不豫出居南宮帝行不正獲容色敗悴衣不解帶殆
將四旬殺去南宮五百餘步雞鳴而去辰時方還來去徒
行不乘輿輦太后所苦小增便即寢伏閣外食飲藥物盡
皆躬親太后嘗心痛不自堪忍帝立侍惟前以爪掐手心
血流出袖友愛諸弟無君臣之隔雄勇有謀于時國富兵
強將雪神武遺恨意在頓駕平陽為進取之策遠圖不遂
情哉初帝與濟南約不相害及輿駕在晉陽武成鎮鄴望
氣者云鄴城有天子氣帝恐濟南復興乃密行鳩毒濟南
不從乃扼而殺之後頗愧悔初苦內熱頻進渴散時有尚
書令史姓趙於鄴見文宣從楊惛燕子獻等西行言相與
復讎帝在晉陽宮與毛夫人亦見焉遂漸危篤備襮厭之
事或煮油四灑或持炬燒逐諸厲方出殿梁山騎棟上歌
呼自若了無懼容時有天狗下乃於其所講武以厭之有
兎驚馬帝墜而絕肋太后視疾問濟南所在者三帝不對

太后怒曰殺去邪不用吾言死其宜矣臨終之際唯扶服
牀枕叩頭求哀遣使詔追長廣王入纂大統又手書云宜
將吾妻子置一好處勿學前人也

論曰神武平定四方威權在己遷鄴之後雖主祭有人號
令所加政皆自出文宣因循鴻業內外叶從自朝及野群
心屬望東魏之地舉國樂推曾未期月遂登宸極始則存
心政事風化肅然數年之間朝野安乂其後縱酒肆欲事
務猖狂昏邪殘暴近代未有饗國不永實由斯疾濟南繼
業大革其弊風教粲然搢紳稱幸股肱輔弼雖懷歆誠既
不能贊弘道德和睦親懿又不能遠慮防身深謀衛主應

斷不斷自取其災臣既誅夷君尋廢辱皆任非其器之所
致尔孝昭早居臺閣故事通明人吏之間無所不委文宣
崩後大革前弊及臨尊極留心更深時人服其明而譏其
細也情好稽古率由禮度將封先代之胤且敦學校之風
徵召才賢文武畢集于時周氏朝政移於宰臣主將相猜
不無危殆乃睽關右寔懷兼井之志經謀宏曠諒近代之
明主而降年不永其故何哉豈幽顯之陰別有復報將齊
之基宇止在於斯帝欲大之天不許也。

方洽 周益 周已干 孫粹然 校正

齊本紀下第八

北史八

世祖武成皇帝諱湛神武皇帝第九子孝昭皇帝之母弟也儀表瓌傑神武尤所鍾愛神武方招懷荒遠乃為帝媵蠕蠕太子菴羅辰女號隣和公主帝時年八歲冠服端嚴神情閑遠華戎歎異元象中封長廣郡公天保初進爵為王拜尚書令尋兼司徒遷太尉乾明初楊愔等密相疎忌以帝為大司馬領并州刺史帝既與孝昭謀誅諸執政遷太傅錄尚書事領京畿大都督皇建初進位右丞相孝昭幸晉陽帝以懿親居守鄴政事咸見委託二年孝昭崩遺詔徵帝入統大位及晉陽宮發喪於崇德殿皇太后令所

司宣遺詔左丞相斛律金率百寮敦勸三奏乃許之
大寧元年冬十一月癸丑皇帝即位於南宮大赦改皇建
二年為大寧乙卯以司徒平秦王歸彥為太傅以尚書右
僕射趙郡王叡為尚書令以太尉尉粲為太保以尚書令
段韶為大司馬以豐州刺史婁叡為司空以太傅平陽王
淹為太宰以太保彭城王浹為太師錄尚書事以冀州刺
史博陵王濟為太尉以中書監任城王湝為尚書左僕射
以并州刺史斛律光為右僕射封孝昭皇帝太子百年為
樂陵郡王庚申詔大使巡行天下求政善惡問人疾苦擢
進賢良是歲周武帝保定元年

河清元年春正月乙亥車駕至自晉陽辛巳祀南郊壬午
享太廟景成立妃胡氏為皇后子緯為皇太子戊子大赦
內外百官普加沉級諸為父後者賜爵一級己亥以前定
州刺史馮翊王潤為尚書左僕射詔普斷屠殺以順春令
二月丁未以太宰平陽王淹為青州刺史太傅領司徒以
領軍大將軍宗師平秦王歸彥為太宰冀州刺史乙卯以
兼尚書令任城王湝為司徒詔散騎常侍崔瞻聘于陳夏
四月辛丑皇太后婁氏崩乙巳青州刺史上言今月庚寅
河濟清以河濟清改大寧二年為河清降罪人各有差五
月甲申祔葬武明皇后於義平陵己丑以尚書右僕射斛

律光為尚書令秋七月太宰冀州刺史平秦王歸彥據州
反詔大司馬段韶司空婁叡討禽之乙未斬歸彥并其三
子及黨與二十人於都市丁酉以大司馬段韶為太傅以
司空婁叡為司徒以太傅平陽王淹為太宰以尚書令斛
律光為司空以太子太傅趙郡王叡為尚書令中書監河
閒王孝琬為尚書左僕射癸亥行幸晉陽陳人來聘冬十
一月丁丑詔兼散騎常侍封孝琬使於陳十二月景辰車
駕至自晉陽是歲殺太原王紹德

二年春正月乙亥帝詔臨朝堂策試秀孝以太子少傅魏
收為兼尚書右僕射己卯兼右僕射魏收以阿縱除名丁
丑以武明皇后配祭北郊辛卯帝臨都亭錄見囚降在京
罪人各有老三月己丑詔司空斛律光督五營軍士築戍
於軹關壬申室韋國遣使朝貢景戌以兼尚書右僕射趙
彥深為左僕射夏四月并汾晉東雍南汾五州蟲旱傷稼
遣使振恤戊午陳人來聘五月壬午詔以城南雙堂之苑
廻造大摠持寺六月乙巳齊州上言濟河水口見八龍升
天乙卯詔兼散騎常侍崔子武使于陳庚申司州牧河南
王孝瑜薨秋八月辛丑詔以三臺宮為大興聖寺冬十二
月癸巳陳人來聘己酉周將楊忠帥突厥阿史那木可汗
等二十餘萬人自恒州分為三道殺掠吏人是時大雨雪

連月南北千餘里平地數尺霜晝下雨血於太原戊午帝
至晉陽己未周軍逼并州又遣大將達奚武帥衆數萬至
東雍及晉州與突厥相應是歲室韋庫莫奚靺鞨契丹並
遣使朝貢

三年春正月庚申朔周軍至城下而陳戰於城西周軍及
突厥大敗人畜死者相枕數百里不絕詔平原王段韶追
出塞而還三月辛酉以律令班下大赦己巳盜殺太師彭
城王波庚辰以司空斛律光為司徒以侍中武興王普為
尚書左僕射甲申以尚書令馮翊王潤為司空夏四月辛
卯詔兼散騎常侍皇甫亮使於陳五月甲子帝至自晉陽

壬午以尚書令趙郡王叡為錄尚書事以前司徒婁叡為
太尉甲申以太傅段韶為太師丁亥以太尉任城王湝為
大將軍壬辰行幸晉陽六月庚子大雨晝夜不息至甲辰
乃止是月晉陽訛言有鬼兵百姓競擊銅鐵以捍之殺樂
陵王百年歸宇文媼于周秋九月乙丑封皇子綽為南陽
王儼為東平王是月歸閻媼于周陳人來聘突厥寇幽州
入長城虜掠而還閏月乙未詔遣十二使巡行水滂洲免
其租調乙巳突厥寇幽州周軍三道竝出使其將尉廻寇
洛陽楊標入軹閔權景宣趣懸瓠冬十一月甲午迴等圍
洛陽戊戌詔兼散騎常侍劉逖使於陳甲辰太尉婁叡大

破周軍於軹關禽楊標十二月乙卯豫州刺史王士良以
城降周將權景宣丁巳帝自晉陽南討巳未太宰平陽王
澄薨壬戌太師段韶大破尉迥等解洛陽圍丁卯帝至洛
陽免洛州經周軍處一年租賦赦州城內死罪巳下囚巳
巳以太師段韶為太宰以司徒斛律光為太尉并州刺史
蘭陵王長恭為尚書令壬申帝至武牢經滑臺次於黎陽
所經滅降罪人景子車駕至自洛陽是歲高麗靺鞨新羅
並遣使朝貢山東大水飢死者不可勝計詔發振給事竟
不行

四年春正月癸卯以大將軍任城王潛為大司馬辛未辛
晉陽二月甲寅詔以新羅國王金真興為使持節東夷校
尉樂浪郡公新羅王壬申以年穀不登禁酤酒巳卯詔減
百官食稟各有差三月戊子詔給西兗梁滄趙州司州之
東郡陽平清河武都冀州之長樂勃海遺水滂之處貧下
戶粟各有差家別斗升而已又多不付是月彗星見有物
墮於殿廷如赤漆鼓帶小鈴殿上石自起兩兩相對又有
神見於後園萬壽堂前山穴中其體壯大不辨其面兩齒
絕白長出於唇帝直宿嬪御巳下七百人咸見焉帝又夢
之夏四月戊午大將軍東安王婁叡坐事免乙亥陳人來
聘太史奏天文有變其占當有易王景子乃使太宰段韶

兼太尉持節奉皇帝璽綬傳位於皇太子大赦改元為天
統元年百官進級降罪各有差又詔皇太子妃斛律氏為
皇后於是羣公上尊號為太上皇帝軍國大事咸以奏聞
始將傳政使內參乘子尚乘驛送詔書於鄴子尚出晉陽
城見人騎隨後忽失之尚未至鄴而其言已布矣天統四
年十二月辛未太上皇帝崩於鄴宮乾壽堂時年三十二
謚曰武成皇帝廟號世祖五年二月甲申葬於永平陵
後王諱緯字仁綱武成皇帝之長子也母曰胡皇后夢於
海上坐玉盆日入裙下遂有娠天保七年五月五日生帝
於并州邸帝少美容儀武成特所愛寵拜世子及武成入

纂大業大寧二年正月景成立為皇太子河清四年武成
禪位於帝

天統元年夏四月景子皇帝即位於晉陽宮大赦改河清
四年為天統丁丑以太保賀拔仁為太師太尉侯莫陳相
為大保司空馮翊王潤為司徒錄尚書事趙郡王叡為司
空尚書左僕射河間王孝琬為尚書令戊寅以瀛州刺史
尉粲為太尉斛律光為大將軍東安王婁叡為太尉尚書
右僕射趙彥深為左僕射六月壬戌彗星出文昌東北其
大如手後稍長乃至丈餘百日乃滅己巳太上皇帝詔兼
散騎常侍王季高使於陳秋七月乙未太上皇帝詔增置

都水使者一人冬十一月癸未太上皇帝至自晉陽己丑
太上皇帝詔改太祖獻武皇帝為神武皇帝廟號高祖獻
明皇后為武明皇后其文宣謚號委有司議定十二月庚
戌太上皇帝狩於北郊壬子狩於南郊乙卯狩於西郊壬
戌太上皇帝幸晉陽丁卯帝至自晉陽庚午有司奏改高
祖文宣皇帝為威宗景烈皇帝是歲高麗契丹靺鞨並遣
使朝貢河南大疫

二年春正月辛卯祀圓丘癸巳禘祭於太廟詔降罪人各
有差景申以吏部尚書尉瑾為尚書右僕射庚子行幸晉
陽二月庚戌太上皇帝至自晉陽壬子陳人來聘三月乙

巳太上皇帝詔以三臺施興聖寺以旱故降禁囚夏四月
陳文帝殂五月乙酉以兼尚書左僕射武興王普為尚書
令已亥封太上皇帝子儼為東平王仁弘為齊安王仁固
為北平王仁英為高平王仁光為淮南王六月太上皇帝
詔兼散騎常侍常道儒聘於陳秋八月太上皇帝幸西陽
冬十月乙卯以太保侯莫陳相為太傅太司馬任城王湝
為太保太尉婁叡為大司馬徙馮翊王潤為太尉開府儀
同三司韓祖念為司徒十一月大雨雪盜竊太廟御服十
二月乙丑陳人來聘是歲殺河間王孝琬突厥鞬鞞國並
遣使朝貢於周為天和元年

三月春正月壬辰太上皇帝至自晉陽乙未大雪平地二尺戊戌太上皇帝詔京官執事散官三品已上舉三人五品已上各舉二人稱事七品已上及殿中侍御史尚書都檢校御史主書及門下錄事各舉一人鄴宮九龍殿災延燒西廊二月壬寅朔帝加元服大赦九州職人各進四級內外百官普進二級夏四月癸丑太上皇帝詔兼敬騎常侍司馬幼之使於陳五月甲午太上皇帝詔以領軍大將軍東平王儼為尚書令乙未大風書晦發屋拔樹六月己未太上皇帝詔封皇子仁機為西河王仁約為樂浪王使儉為潁川王仁雅為安樂王統為丹楊王仁謙為東海王

閏六月辛巳左丞相斛律金薨壬午太上皇帝詔尚書令東平王儼錄尚書事以尚書左僕射趙彥深為尚書令并省尚書右僕射婁定遠為尚書左僕射中書監徐之才為右僕射秋八月辛未太上皇帝詔以太保任城王浩為太師太尉馮翊王潤為大司馬太宰段韶為左丞相太師賀拔仁為右丞相太傅侯莫陳相為太宰大司馬婁叡為太傅大將軍斛律光為太保司徒韓祖念為大將軍司空瑄郡王叡為太尉尚書令東平王儼為司徒九月己酉太上皇帝詔諸寺署所緡雜保戶姓高者天保之初雖有優放權假力用未免者今可悉蠲雜戶任屬郡縣一准平人丁

已太上皇帝幸晉陽是秋山東大水人飢僵尸滿道冬十月突厥大莫婁李常百濟靺鞨等國各遣使朝貢十一月景平以晉陽大明殿成故大赦文武百官進二級免并州居城太原一郡來年租癸未太上皇帝至自晉陽十二月己巳太上皇帝詔以故左丞相趙郡王琛配饗神武廟廷四年春正月壬子詔以故清河王岳河東王潘相察才人並配饗神武廟廷癸亥太上皇帝詔兼散騎常侍鄭大護使於陳三月乙巳太上皇帝詔以司徒東平王儼為大將軍商陽王綽為司徒開府儀同三司廣寧王孝珩為尚書令是四月辛未鄴宮昭陽殿災及宣光瑤華等殿辛巳太

上皇帝幸晉陽五月癸卯以尚書右僕射胡長仁為左僕射中書監和士開為右僕射壬戌太上皇帝至自晉陽自正月不雨至於是月六月甲子朔大雨甲申太風拔木折樹是月彗星見于東井秋九月景甲周人來通和太上皇帝詔侍中斛斯文略報聘于周冬十月辛巳以尚書令廣寧王孝珩為錄尚書事左僕射胡長仁為尚書令右僕射和士開為左僕射中書監唐邕為右僕射十一月壬辰太上皇帝詔兼散騎常侍李翥使於陳是月陳安成王瑱廢其主伯宗而自立十二月辛未太上皇帝崩景子大赦九州職人增加一級內外百官並加兩級戊寅上太上皇后

尊號為皇太后甲申詔細作之務及所在百工悉罷之又詔掖廷晉陽中山宮人等及鄴下并州太官官口二處其年六十已上及有癯患者仰所司簡放庚寅詔天保七年已來諸家緣坐配流者所在令還是歲契丹靺鞨國並遣使朝貢

五年春正月辛亥詔以金鳳等三臺未入寺者施大興聖寺是月殺定州刺史博陵王濟二月乙丑詔應官刑者普免刑為官口又詔禁網捕鷹鷂及畜養籠放之物癸酉大莫婁國遣使朝貢己丑改東平王儼為琅邪王詔侍中叱列長又便於周是月殺太尉趙郡王暹三月丁酉以司空

徐顯秀為太尉并省尚書令婁定遠為司空是月行幸晉陽夏四月甲子詔以并州尚書省為大基聖寺晉祠為大崇皇寺乙丑車駕至自晉陽秋七月己丑詔降罪人各有差戊申詔使巡省河北諸州無雨處境內偏旱者優免租調冬十月壬戌詔禁造酒十一月辛丑詔以太保斛律光為太傅大司馬馮翊王潤為太保大將軍琅邪王儼為大司馬十二月庚午以開府儀同三司蘭陵王長恭為尚書令庚辰以中書監魏收為尚書右僕射

武平元年春正月乙酉朔隋元太師并州刺史東安王婁叡薨戊申詔兼散騎常侍裴敞之聘于陳二月癸亥以百

濟王餘昌為使持節侍中驃騎大將軍帶方郡公王如故
已巳以太傅咸陽王斛律光為右丞相并州刺史右丞相
安定王賀拔仁為錄尚書事冀州刺史任城王湝為太師
景季降死罪已下囚閏月戊戌錄尚書事安定王賀拔仁
薨三月辛酉以開府儀同三司徐之才為尚書左僕射夏
六月乙酉以廣寧王孝珩為司空甲辰以皇子恒生故大
赦內外百官普進二級九州職人普進四級己酉詔以開
府儀同三司唐邕為尚書右僕射秋七月癸丑封孝昭皇
帝子彥基為城陽王彥康為定陵王彥忠為梁郡王甲寅
以尚書令蘭陵王長恭為錄尚書事中領軍和士開為尚

書令癸亥靺鞨遣使朝貢癸酉以華山凝為太傅八月

辛卯行幸晉陽九月乙巳立皇子恒為皇太子冬十月辛
巳以司空廣寧王孝珩為司徒以上洛王思宗為司空封
蕭莊為梁王戊子曲降并州死罪已下囚己丑復改威宗
景烈皇帝謚號為顯祖文宣皇帝十二月丁亥車駕空自
晉陽詔左丞相斛律光出晉州道修城戍

二年春正月丁巳詔兼散騎常侍劉瓌為使於陳戊寅以
百濟王餘昌為使持節都督東青州刺史二月壬寅以錄
尚書事蘭陵王長恭為太尉并省錄尚書事趙彥深為司
空尚書令和士開為錄尚書事左僕射徐之才為尚書令

右僕射唐邕為左僕射吏部尚書馮子琮為右僕射夏四月壬午以大司馬琅邪王儼為太保甲午陳遣使連和謀伐周朝議弗許六月段韶攻周汾州剋之獲刺史楊敷秋七月庚午太保琅邪王儼矯詔殺錄尚書事和士開於南臺即日誅領軍大將軍庫狄伏連書侍御史王子宣等尚書右僕射馮子琮賜死殿中八月己亥行幸晉陽九月辛亥以太師任城王潛為太宰馮翊王潤為太師己未左丞相平原王段韶薨戊午曲降并州界內死罪已下各有差庚午殺太保琅邪王儼壬申陳人來聘冬十月罷京畿府入領軍府己亥車駕至自晉陽十一月庚戌詔侍中赫連

子悅使於周景寅以徐州行臺廣寧王孝珩為錄尚書事庚午以錄尚書事廣寧王孝珩為司徒癸酉以右丞相斛律光為左丞相

三年春正月己巳祀南郊辛亥追贈故琅邪王儼為楚帝

二月己卯以衛菩薩為太尉辛巳以并省吏部尚書高元

海為尚書右僕射庚寅以左僕射唐邕為尚書令侍中祖

珽為左僕射是月敕撰玄洲苑御覽後改名聖壽堂御覽

三月辛酉詔文武官五品已上各舉一人是月周誅冢宰

宇文護夏四月周人來聘秋七月戊辰誅左丞相咸陽王

斛律光及其弟幽州行臺荆山公豐樂八月庚寅廢皇后

斛律氏為庶人以太宰任城王湝為右丞相太師馮翊王
潤為太尉蘭陵王長恭為大司馬廣寧王孝珩為大將軍
安德王延宗為司徒使領軍封輔相聘于周戊子拜右昭
儀胡氏為皇后己丑以司州牧北平王仁堅為尚書令特
進許季良為左僕射彭城王寶德為右僕射癸巳行幸晉
陽是月聖壽堂御覽成敕付史閣後改為修文殿御覽九
月陳人來聘冬十月降死罪己下丙申午拜弘德夫人楊
氏為左皇后大赦十二月辛丑廢皇后胡氏為庶人是歲
齊廢百濟勿吉突厥並遣使朝貢於周為建德元年
四年春正月戊寅以并省尚書公高阿那肱為錄尚書事

庚辰詔兼散騎常侍崔象使於陳是月鄴都并州並有私
媚多截人髮二月乙巳拜左皇后穆氏為皇后景午置文
林館乙卯以尚書令北平王仁堅為錄尚書事丁巳行幸
晉陽是月周人來聘三月辛未盜入信州殺刺史和士休
南兗州刺史鮮于世榮討之庚辰車駕至晉陽夏四月戊
午以大司馬蘭陵王長恭為太保大將軍定州刺史南陽
王綽為大司馬大司馬太尉衛菩薩為大將軍司徒安德
王延宗為太尉司空武興王普為司徒開府儀同三司宜
陽王趙彥深為司空癸丑祈皇祠壇壝苑之內忽有車軌
之轍案驗傍無人跡不知車所從來乙卯詔以為大慶班

正天下已未周人來聘五月景子詔史官更撰魏書癸巳
以領軍穆提婆為尚書左僕射以侍中中書監段孝言為
右僕射是月開府儀同三司尉破胡長孫洪略等與陳將
吳明徹戰於呂梁南大敗破胡走以免洪略戰歿遂陷秦
涇二州明徹進陷和合二州是月殺太保蘭陵王長恭六
月明徹進軍圍壽陽壬子幸南苑從官賜死者六十人以
錄尚書事高阿那肱為司徒景辰詔開府王師羅使於周
秋九月校獵于鄴東冬十月陳將吳明徹陷壽陽辛丑殺
侍中崔季舒張彫唐散騎常侍劉逖封孝琰黃門侍郎裴
澤郭遵癸卯行幸晉陽十二月戊寅以司徒高阿那肱為

右丞相是歲高麗靺鞨並遣使朝貢突厥使來婚

五年春正月乙丑置左右娥英各一人二月乙未車駕至

自晉陽朔州行臺屬安王思好反辛丑行幸晉陽尚書令

唐邕等大破思好殺火死焚其尸并其妻李氏丁未車駕

至自晉陽甲寅以尚書令唐邕為錄尚書事夏五月大旱

晉陽得死魃長二尺面頂各二目帝聞之使刻木為其形

以獻庚申大赦丁亥陳人寇淮北秋八月癸卯行幸晉陽

甲辰以高勳為尚書右僕射是歲殺南陽王綽

六年春三月乙亥車駕至自晉陽丁丑烹祆賊鄭子饒於

都市是月周人來聘夏四月庚子以中書監陽休之為尚

書右僕射癸卯靺鞨遣使朝貢秋七月甲戌行幸晉陽八月丁酉冀定趙幽滄瀛六州大水是月周師入洛川屯芒山攻逼洛城縱火船焚浮橋河橋絕閏月己丑遣右丞相高阿那肱自晉陽禦之師次河陽周師夜遁庚辰以司空趙彥深為司徒斛律阿列羅為司空辛巳以軍國費用不足稅關市舟車山澤擅鐵店肆輕重各有差開酒禁

七年春正月壬辰詔去秋已來水潦人飢不自立者所在付大寺及諸富戶濟其性命甲寅大赦乙卯車駕至自晉陽二月辛酉括雜戶女年二十已下十四已上未嫁悉集省隱匿者家長處死刑二月景寅風從西北起發屋拔樹

五日乃止夏六月戊申朔日有蝕之庚申司徒趙彥深薨秋七月丁丑大雨霖是月以水滂遣使巡撫流亡人戶八月丁卯行幸晉陽雉集於御坐獲之有司不敢以聞詔營邯鄲宮冬十月景辰帝大狩於祁連池周師攻晉州癸亥帝還晉陽甲子出兵大集晉祠庚午帝發晉陽癸酉帝列陣而行上雞栖原與周齊王憲相對至夜不戰周師斂陣而退十一月周武帝退還長安留偏師守晉州高阿那肱等圍晉州城戊寅帝至圍所十二月戊申周武帝來救晉州庚戌戰于城南齊軍大敗帝棄軍先還癸丑入晉陽憂懼不知所之甲寅大赦帝謂朝臣曰周師甚盛若何群臣

咸曰天命未改一得一失自古皆然宜得自賦安朝野牧
遺兵背城死戰以存社稷帝意猶預欲向北朔州乃留安
德王延宗廣寧王孝珩等守晉陽若晉陽不守即欲奔突
厥群臣皆曰不可帝不從其言開府儀同三司賀拔伏恩
封輔相慕容鍾葵等宿衛近臣三十餘人西奔周師乙卯
詔募兵遣安德王延宗為左廣廣寧王珩為右廣延宗
入見帝帝告欲向北朔州延宗泣諫不從帝密遣王康德
與中人齊紹等送皇太后皇太子於北朔州景辰帝幸城
南軍營突將士其夜欲遁諸將不從辛巳大赦改武平七
年為隆化元年其日穆提婆降周詔除安德王延宗為相

國委以備禦延宗流涕受命帝乃夜斬五龍門而出欲走
突厥從官多散領軍梅勝即叩馬諫乃迴之鄴特唯高阿
那肱等十餘騎廣寧王孝珩襄城王彥道續至得數十人
同行戊午延宗從眾議即皇帝位於晉陽改隆化為德昌
元年庚申帝入鄴辛酉延宗與周師戰於晉陽大敗為周
師所虜帝遣募人重加官賞雖有此言而竟不出物廣寧
王孝珩奏請出官人及珍寶班賜將士帝不悅斛律孝卿
居中受委帶甲以處分請帝親勞為帝撰辭且曰宜慷慨
流涕感激人心帝既出臨眾將令之不復記所受言遂大
笑左右亦群哈將士莫不解軀於是自大丞相已下大宰

大司馬三師大將軍三公等官並增員而授或三或四不可勝數甲子皇太后從北道至引文武一品已上入朱華門賜酒食及紙筆問以禦周之方略群臣各異議帝莫知所從又引高元海宋士素盧思道李德林等欲議禪位皇太子先是望氣者言當有革易於是依天統故事授位幼主

幼主名恆帝之長子也母曰穆皇后武平元年六月生於鄴其年十月立為皇太子隆化二年春正月乙亥即皇帝位時年八歲改元為承光元年大赦尊皇太后為太皇太后帝為太上皇帝后為太上皇后於是黃門侍郎顏之推

中書侍郎薛道衡侍中陳德信等勸太上皇帝往河外募兵更為經略若不濟南投陳國從之丁丑太皇太后太上皇自鄴先趣濟州周師漸逼至幼主又自鄴東走己丑周師至紫陌橋癸巳燒城西門太上皇將百餘騎東走乙亥渡河入濟州其日幼主禪位於太上皇壬戌王潛令侍中斛律孝卿送禪文及璽綬於瀛州孝卿乃以之歸周文為任城王詔尊太上皇為無上皇幼主為守國天王留太皇太后濟州遣高阿那肱留守太上皇并皇后携幼主走青州韓長鸞鄧顒等數十人從太上皇既至青州即為人陳之計而高阿那肱召周軍約生致齊主而彙使人告言

賊軍在遠已令人燒斷橋路太上所以停緩周軍奄至青
州太上窘急將遜於陳置金囊於安華後與長鸞淑妃等十
數騎至青州南鄧村為周將尉遲綱所獲送鄴周武帝與
抗賓主禮并太后幼主諸王俱送長安封帝溫國公至建
德七年詔與宜州刺史穆提婆謀反及延宗等數十人無
少長咸賜死神武子孫所存者一二而已至大象末陽休
之陳德信等啓大丞相隋公請收葬聽之葬於長安北原
洪濟川帝幼而令善及長頗學綴又置文林館引諸文士
焉而言語澁訥無志度不喜見朝士自非寵私昵狎未嘗
矣語性儒不堪人視者即有心書其奏事者雖三公令錄

莫得仰視皆略陳大旨驚走而出每災異寇盜水旱亦不
自貶損唯諸處設齋以此為修德雅信巫覡禱無方初
琅耶王舉兵人告者誤云庫狄伏連反帝曰此必仁威也
又斛律光死後諸武官舉高思好堪大將軍帝曰思好喜
反皆如所言遂自以策無遺筭乃益驕縱盛為無愁之曲
帝自彈胡琵琶而唱之侍和之者以有教人間謂之無愁
天子嘗出見群鷹盡殺之或殺人剥面皮而視之任陸
瑄和士開高阿那肱穆提婆韓長鸞等宰制天下陳德信
鄧長顥何洪珍參顥機權各引親黨超居非次官由財進
獄以賄成其所以亂政害人難以備載諸官奴婢閹人商

人胡女雜五歌舞人見鬼人濫得富貴者將以万數庶姓
封王者百數不復可紀開府千餘儀同無教領軍一時三
十連判文書各作依字不具姓名莫知誰也諸貴寵祖禰
追贈官歲一進位極乃止官掖婢皆封郡君宮女寶衣玉
食者五百餘人一裙直万疋鏡臺直千金竟為變巧朝衣
夕弊承武成之奢麗以為帝王當然乃更增益宮苑造候
武修文臺其嬪嬙諸院中起鏡殿寶殿瑤瑁殿丹青彫刻
妙極當時又於晉陽起十二院壯麗逾於鄴下折愛下恒
數毀而又復夜則以大照作寒則以湯為泥百工困窮無
時休息鑿晉陽西山為大佛像一夜燃油万盆光照宮內

又為胡昭儀起大慈寺未成改為穆皇后大賢林寺窮極
工巧運石填泉勞費億計人牛死者不可勝紀御馬則藉
以擅芻食物有十餘種將合牝牡則設青廬具牢饌而親
觀之狗則飼以梁肉馬及鷹犬乃有儀同郡君之號故有
赤彪儀同逍遙郡君陵霄郡君高思好書所謂馱龍逍遙
者也犬於馬上設褥以抱之聞雞亦號開府犬馬雞鷹多
食豚幹鷹之入養者稍割犬肉以飼之至數日乃死又於
華林園立貧窮村舍帝自弊衣為乞食兒又為窮兒之市
躬自交易寫築西鄙諸城黑衣為羌兵鼓譟陵之親率內
參臨拒或實彎弓射人自晉陽東巡單馬馳驚衣解髮散

而歸又好不急之務會一夜索蠋及旦得三升特愛非時之物取求火急皆須朝徵夕辦當勢者因之貸一而責十焉賦歛日重徭役日煩人力既殫帑藏空竭乃賜諸佞幸賈官或得郡兩三或得縣六七各分州郡下逮鄉官亦多隆中者故有敕用州主簿敕用郡功曹於是州縣職司多出富商大賈競為貪縱人不聊生爰自鄴都及諸州郡所在徵稅百端俱起凡此諸役皆漸於武成至帝而增廣焉然未嘗有惟薄淫穢唯此事頗優於武成云初河清末武成夢大蠋攻破鄴城故索境內蠋膏以絕之識者以後主名聲與蠋相協亡齊徵也又婦人皆翦剔以著假髻而危邪之狀如飛鳥至於南面則髻心正西始自宮內為之被於四遠天意若曰元首翦落危側當走西也又為刀子者刃皆挾細名曰盡勢稚童戲者好以兩手持繩拂地而却上跳且唱曰高末高末之言蓋高氏運祚之末也然則亂亡之數蓋有兆云

論曰武成風度高爽經筵弘長文武之官俱盡謀力有帝王之量矣但愛狎庸豎委以朝權惟薄之間淫侈過度滅亡之兆其在斯乎玄象告變傳位元子名號雖殊政猶已出亦有虛飾事非憲典聰明臨下何易可誣又河南河間樂陵等諸王或以時嫌或以猜忌皆無罪而殞非所謂知

命任天體大道之義也後主以中庸之姿懷易染之性永
言先訓教匪義方始自權祿至于傳位隔以正人閉其善
道養德所履異乎春誦夏弦過延所聞莫非不軌不物輔
之以中官妳媼屬之以麗色淫聲縱鞀紉之娛恣朋淫之
好語曰從惡若崩蓋言其易武平在御彌見淪胥罕接朝
士不親政事一日萬機委諸凶族內侍帷幄外吐絲綸威
厲風霜志迴天日虐人害物搏噬無狀責獄驚官谿壑難
滿重以各將貽禍忠臣顯戮始見浸溺之萌俄觀土崩之
勢周武因機遂混區夏悲夫蓋桀紂罪人其亡也忽焉自
然之理矣

鄭文貞公魏徵愬而論之曰神武以雄傑之姿始其霸業
文襄以英明之略伐叛柔遠于時喪君有君師出以律河
陰之役摧宇文如反掌渦陽之戰掃侯景如拉枯故能氣
懾西隣威加南服王室是賴東夏宅心文宣因累世之資
膺樂推之會地居當壁遂遷魏鼎懷譎詭非常之才運屈
竒不測之智網羅俊乂明察臨下文武名臣盡其力用親
戎出塞命將臨江定單于於龍城納長君於梁國外內充
實疆場無警胡騎息其南侵秦人不敢東顧既而荒淫敗
德罔念作狂為善未能亡身餘殃足以傳後得以壽終幸
也胤嗣不永宜哉孝昭地逼身危逆取順守外敷文教內

蘊雄圖將以牢籠區域奄有函夏享齡不永績用無成若
或天假之年足使秦吳肝食武成即位雅道陵遷昭襄之
風摧焉已墜暨乎後主外丙崩離衆潰於平陽身禽于青
土天道深遠或未易談吉凶由人抑可揚擢觀夫有齊全
盛控帶遐阻西包汾晉南極江淮東盡海隅北漸沙漠六
國之地我獲其五九州之境彼分其四料甲兵之衆實校
帑藏之虛實折衝千里之將帷幄六奇之士比二方之優
劣無等級以寄言然其太行長城之固自若也江淮汾晉
之險不移也帑藏輸稅之富未虧也士庶甲兵之衆不缺
也然而前王用之而有餘後主守之而不足其故何哉前
王之御時也沐雨櫛風拯其溺而救其焚信必賞過必罰
安而利之既與共其存亡故得同其生死後主則不然以
人從欲損物益已雕牆峻宇甘酒嗜音鄠肆遍於宮園禽
色荒於外內俾晝作夜罔水行舟所欲必成所求必得既
不軌不物又暗於聽受忠信弗聞萋斐必入視人如草芥
從惡如順流佞閹處當軸之權婢媼擅回天之力賣官鬻
獄亂政淫刑剗削被於忠良祿位加於犬馬讒邪並進法
令多聞持瓢者非止百人搖樹者不唯一子於是士崩瓦
解衆叛親離顧瞻周道咸有西歸之志方更盛其宮觀窮
極荒淫謂黔首之可誣指白日以自保驅倒戈之旅抗前

歌之師五世崇基一舉而滅豈非鑄金石者難為功摧枯
朽者易為力歟抑又聞之皇天無親唯德是輔天時不如
地利地利不如人和齊自河清之後逮于武平之末土木
之工不息嬪嬙之選無已征稅盡人力殫物產無以給其
求江海不能贍其欲所謂火既熾矣更負薪以足之數既
窮矣又為惡以促之欲求大夏不燔延期過曆不亦難乎
由此言之齊氏之敗亡蓋亦由人匪惟天道也

齊本紀下第八

北史八

周益

校正

